

ՓՈԽԸՄԲՈՆՄԱՆ ՀՈՒՇԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ
ՍՊՈՐՏԻ ՆԱԽԱՐԱՐՈՒԹՅԱՆ

ԵՎ

«ԷՅ ԹԻ ՓԻ» ԲԱՐԵԳՈՐԾԱԿԱՆ ՀԻՄՆԱԴՐԱՄԻ ՄԻՋԵՎ
ՀԱՄԱԳՈՐԾԱԿՑՈՒԹՅԱՆ ՄԱՍԻՆ

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն) և «Էյ Թի Փի» բարեգործական հիմնադրամը (այսուհետ՝ Հիմնադրամ), միասին՝ Կողմեր,

հիմք ընդունելով «Էյ Թի Փի» բարեգործական հիմնադրամի (այսուհետ՝ «Էյ Թի Փի») և Հայաստանի Հանրապետության կրթության և գիտության նախարարության միջև 2017 թվականին կնքված փոխըմբռնման հուշագիրը,

ցանկանալով համագործակցել Հայաստանում արտադպրոցական բնապահպանական կրթության իրականացմանն աջակցելու նպատակով,

կնքեցին սույն Փոխըմբռնման Հուշագիրը (այսուհետ՝ Հուշագիր)՝ հետևյալի մասին.

Հոդված 1. Հուշագրի նպատակը

1. Սույն Հուշագիրը սահմանում է Կողմերի գործողությունների շրջանակը, ինչպես նաև պարտավորություններն ու համագործակցային պայմանավորվածությունները՝ արտադպրոցական բնապահպանական կրթության իրականացման ոլորտում:
2. Սույն Հուշագրի նպատակն է նպաստել բնապահպանական կրթության կարևորմանն ու առավել տարածմանը Հայաստանի Հանրապետության կրթական տիրույթում՝ հանրակրթական (այդ թվում՝ նախադպրոցական) և մասնագիտական կրթության համակարգերում: Սույն Հուշագրով Կողմերը պատրաստակամություն են հայտնում գործել համակարգված և փոխհամաձայնեցված, մեկտեղել ջանքերը սույն Հուշագրի նպատակներն իրականացնելու համար:

Հոդված 2. Համագործակցության պայմանները

3. Սույն Հուշագրի արդյունավետությունն ապահովելու համար Կողմերը պայմանավորվում են հետևյալի շուրջ՝

- 1) պարբերական հանդիպումների և համատեղ միջոցառումների կազմակերպմամբ համապատասխան տեղեկատվության փոխանակում,
 - 2) արտադարոցական բնապահպանական կրթության ուղղություններով համատեղ միջոցառումների իրականացում,
 - 3) բնապահպանական կրթության ոլորտի խնդիրների լուծման գործընթացում կողմերի փորձագիտական և մասնագիտական ներուժի օգտագործում:
4. Կողմերը համաձայնեցին իրականացնել համագործակցության շրջանակներում նախատեսված աշխատանքները «էկո ակումբերում», որոնց ցանկը սահմանված է սույն Հուշագրի հավելվածում:

Հոդված 3. Կողմերի հիմնական պարտավորությունները

4. Նախարարության պարտավորություններն են՝

- 1) Սույն Հուշագրով ամրագրված դրույթներն իրագործելու համար ապահովել Հայաստանի Հանրապետության ուսումնական հաստատությունների և մանկավարժների մասնակցությունը պլանավորված միջոցառումներին և ծրագրերին:
- 2) Համապատասխան պետական կառույցների, միջազգային գործընկեր կազմակերպությունների, տեղական և միջազգային հասարակական կազմակերպությունների հետ մասնակցել բնապահպանական արտադարոցական կրթության խթանման համատեղ աշխատանքներին:
- 3) Իր լիազորությունների շրջանակներում նպաստել արտադարոցական բնապահպանական կրթության տարածմանն ու առաջընթացին միտված ծրագրերին և գործողություններին՝ տրամադրելով մասնագիտական խորհրդատվություն և համապատասխան տեղեկություն, ինչպես նաև նպաստել նշված ոլորտում խնդիրների լուծման հանրայնացմանը և լուսաբանմանը:

5. Հիմնադրամի պարտավորություններն են.

- 1) Նախարարության, պետական այլ մարմինների, ինչպես նաև տեղական և միջազգային շահագրգիռ կազմակերպությունների հետ իրականացնել համակարգված աշխատանքներ, որոնք ուղղված են արտադարոցական բնապահպանական կրթության կարևորմանն ու առավել տարածմանը Հայաստանի Հանրապետության կրթության ոլորտում:
 - 2) Իր մասնագիտական ներուժն ու մյուս կարողությունները ներդնել արտադարոցական բնապահպանական կրթության զարգացմանը ներքոհիշյալ ուղղություններով՝
- ա. աշխատանքներ իրականացնել բնապահպանական կրթության բովանդակության և համապատասխան մեթոդական աջակցություն ապահովելու ուղղությամբ՝ հանրակրթության (նախադարոցական կրթության, տարրական, միջին և ավագ

դպրոցների մակարդակներում), ինչպես նաև մասնագիտական կրթության համակարգում;

- բ. աշխատանքներ իրականացնել հանրակրթության ոլորտում էկոլոգիական նախագծային ուսուցման և դաստիարակության միջոցով տարիքային բոլոր խմբերին կայուն զարգացմանը նպաստող գիտելիքներով և հմտություններով զինելու ուղղությամբ;
- գ. Նախարարության և այլ շահագրգիռ կառույցների օժանդակությամբ նպաստել ուսուցիչների և դաստիարակների մասնագիտական առաջխաղացման հնարավորությունների ընդլայնմանը՝ կազմակերպելով վերապատրաստման դասընթացներ «Միտք սերմանի՛ր, ծառ տնկի՛ր» ուսումնական ձեռնարկի և այլ ուսումնական նյութերի հիման վրա;
- դ. նպաստել Հիմնադրամ և Նախարարություն կառուցողական երկխոսության և արդյունավետ համագործակցության խորացմանը:

Հոդված 4. Ընդհանուր դրույթներ

- 6. Սույն Հուշագիրն արտացոլում է Կողմերի մտադրությունները և նրանց համար չի առաջացնում իրավական կամ ֆինանսական պարտավորություններ:
- 7. Սույն Հուշագիրն ուժի մեջ է մտնում Կողմերի ստորագրելու պահից և գործում է մինչև 2025 թվականի դեկտեմբերի 31-ը: Կողմերի փոխադարձ գրավոր համաձայնությամբ սույն Հուշագրի կատարման ժամկետը կարող է երկարացվել:
- 8. Կողմերի փոխադարձ գրավոր համաձայնությամբ սույն Հուշագրում կարող են կատարվել փոփոխություններ և լրացումներ՝ ձևակերպված առանձին արձանագրություններով, որոնք կազմում են սույն Հուշագրի անբաժանելի մասը:
- 9. Սույն Հուշագրով նախատեսված աշխատանքները կիրականացվեն Հավելված 1-ում նշված էկո ակումբներում:
- 10. Կողմերը կարող են պետական և մասնավոր անձանց հետ կնքել վերոհիշյալ նախաձեռնությունները իրականացնելու համար անհրաժեշտ այլ պայմանագրեր և փաստաթղթեր:
- 11. Կողմերն իրավասու չեն որևէ ձևով կամ եղանակով օգտագործել մեկ այլ Կողմի անվանումը, պաշտոնական խորհրդանիշերը, կնիքները, կրթական նյութերը և այլ փաստաթղթեր, ինչպես նաև այլ Կողմերի անվանումների հապավումներն առանց համապատասխան Կողմի նախնական թույլատվության:
- 12. Յուրաքանչյուր Կողմ կարող է դադարեցնել սույն Հուշագիրը՝ նախապես գրավոր տեղեկացնելով մյուս Կողմին 30 (երեսուն) օր առաջ: Սույն Հուշագրի դադարեցումը չի

ագդում Հուշագրի շրջանակներում որևէ ընթացիկ ծրագրի կամ նախագծի իրականացման վրա, եթե Կողմերը որևէ այլ որոշում չկայացնեն:

Կատարված է 2021 թ. հոկտեմբերի 6-ին Երևան քաղաքում, երկու հավասարազոր հայերեն բնօրինակով:

**Հայաստանի Հանրապետության
կրթության, գիտության, մշակույթի և
սպորտի նախարարության կողմից՝**



ԺԱՆՆԱ ԱՆԴՐԵԱՍՅԱՆ

Նախարարի տեղակալ

**«Էյ Թի Փի» բարեգործական
հիմնադրամի կողմից՝**



ՋԻՆՄԱՐԻ ՓԱՓԵԼՅԱՆ

Գործադիր տնօրեն

Էկո ակումբների ցանկ

- Երասխահունի Մարտիկ Գևորգյանի անվան միջնակարգ դպրոց
- Վեդիի Գ. Մարգարյանի անվան թիվ 1 հիմնական դպրոց
- Ռինդի միջնակարգ դպրոց
- Պարույր Սևակի միջնակարգ դպրոց
- Չիվայի միջնակարգ դպրոց
- Թեղենիքի Վ. Զինիշյանի անվան միջնակարգ դպրոց
- «Փոքրիկ Իշխան» կրթահամալիր
- Արմաշի Մաղաքիա Օրմանյանի անվան միջնակարգ դպրոց
- Երևանի Գրիգոր Զոհրապի անվան թիվ 97 ավագ դպրոց
- Երևանի Վահան Տերյանի անվան թիվ 60 հիմնական դպրոց
- Երևանի թիվ 50 հիմնական դպրոց
- Գեղարքունիքի միջնակարգ դպրոց

- Վանաձորի Հ. Թումանյանի անվան թիվ 3 հիմնական դպրոց
- Վանաձորի Գրիբոյեդովի անվան թիվ 11 ավագ դպրոց
- Վանաձորի Ղ. Ալիշանի անվան թիվ 27 հիմնական դպրոց
- Մարգահովտի Հովհաննես Թումանյանի անվան միջնակարգ դպրոց
- Տաշիրի թիվ 2 հիմնական դպրոց
- Ստեփանավանի թիվ 2 հիմնական դպրոց
- Սպիտակի թիվ 2 հիմնական դպրոց
- Թումանյանի միջնակարգ դպրոց
- Դիլիջանի թիվ 4 հիմնական դպրոց
- Իջևանի Մկրտիչ Մարտիրոսյանի անվան թիվ 5 հիմնական դպրոց
- Այրումի միջնակարգ դպրոց
- Նոյեմբերյանի թիվ 2 հիմնական դպրոց
- Գյումրու թիվ 23 միջնակարգ դպրոց
- Մարալիկի թիվ 2 միջնակարգ դպրոց
- Արթիկի թիվ 6 հիմնական դպրոց

- Կարինի միջնակարգ դպրոց
- Սասունիկի Գ. Զաուշի անվան միջնակարգ դպրոց
- Զրահովտի Վ. Աբրահամյանի անվ. միջնակարգ դպրոց
- Երևանի թիվ 140 հիմնական դպրոց
- Երևանի Ռաֆայել Իշխանյանի անվան թիվ 153 հիմնական դպրոց
- Վանաձորի Պ. Սևակի անվան թիվ 30 հիմնական դպրոց